

- Ugovorni organ:** JU "Fond Memorijala Kantona Sarajevo" (skraćen naziv: Fond Memorijala), sa sjedištem u Sarajevu, ul. Širokac 22., Kovači, koga zastupa v.d. direktor-a Mirsad Delalić, dipl.soc.rad. (u daljem tekstu: Ugovorni organ)
- Dobavljač:** Adriatic osiguranje d.d., ul. Trg Međunarodnog prijateljstva br.20, Novi Grad, Sarajevo, koga zastupa direktor Podružnice Hujić Alen, (udaljem tekstu: Dobavljač)
- Osiguranik:** Osiguranja motornih vozila (polise obaveznog osiguranja i polise kasko osiguranja). U skladu sa ponudom broj: 22/20 od 19.02.2020.godine koja je sastavni dio ovog ugovora.

Zajednički naziv za Ugovornog organa i Dobavljača je **UGOVORNE STRANE**.

zaključili su u Sarajevu, dana 14.04.2020.godine

U G O V O R o uslugama osiguranja motornih vozila Fonda Memorijala

I P R E D M E T

Član 1.

Predmet ovog Ugovora je osiguranje motornih vozila Ugovornog organa (polise obaveznog osiguranja, polise kasko osiguranja), a sve u skladu sa Aneksom 2 (Obrazac za cijenu ponude) Tenderske dokumentacije Ugovornog organa i Ponudom Dobavljača, broj: 22/20 od 19.02.2020. godine, koja čini sastavni dio ovog Ugovora.

Član 2.

Provođenje ovog ugovora će se izvršiti pojedinačnim policama u kojima će se utvrditi osigurane sume i premije osiguranja u skladu sa članom 1. ovog Ugovora. Ugovorne strane su saglasne da će auto-odgovornost plaćati odmah, a ne u ratama, a kasko najkasnije poslije ispostavljene fakture do 30 /trideset/ dana.

II O B A V E Z E U G O V O R N O G O R G A N A

Član 3.

Ugovorni organ se obavezuje da će 7 /sedam/ dana prije isteka osiguranja dostaviti Dobavljaču sve neophodne informacije o m/v (podaci o vrsti, marki, broju šasijske, snazi motora izraženoj u (KW), zapremini izraženoj u cm³, nosivosti, broju lica za osiguranje itd.), na koje se osiguranje odnosi u skladu sa članom 2. ovog ugovora i za iste uplatiti premiju osiguranja Dobavljaču.

Član 4.

Ugovorni organ će pismeno obavjestiti Dobavljača o licima koja su ovlaštena za realizaciju ovog ugovora, kao i pojašnjenja o realizaciji istog.

III O B A V E Z E D O B A V L J A Č A

Član 5.

Dobavljač će u roku od 1 /jednog/ radnog dana po prijemu potrebnih informacija iz člana 3. ovog ugovora izvršiti osiguranje u skladu sa članom 1., 2., 3. i 4. ovog Ugovora.

Član 6.

Kod obrade dostavljenih podataka Dobavljač će posebno voditi računa o stavkama koje se tiču sljedećih uslova:

- pružanje pomoći pri kompletiranju dokumentacije za plaćanje ostalih obaveza za

- registraciju m/v,
- pružanje pomoći pri kompletiranju dokumentacije i predaji iste nadležnom organu za registracije m/v,
- kvalitetna i ažurna obrada i likvidacija šteta,
- pružanje stručne pomoći, besplatnog vještačenja, pravne pomoći, procjene, urgiranja i sl. kod šteta koje su obaveza drugih osiguravajućih društava,
- pružiti pomoć pri plaćanju troškova registracije koji nisu definisani Poglavljem I ovog ugovora (PREDMET), a vezani su za registraciju vozila iz Aneksa 2 (Obrazac za cijenu ponude) Tenderske dokumentacije Ugovornog organa i Ponude Dobavljača broj:22/20 od 19.02.2020. godine. Član 9. i 10. ovog ugovora ne odnosi se na troškove registracije.

Član 7.

U cilju ostvarivanja prava iz ovog Ugovora Dobavljač će dostaviti Ugovornom organu spisak svih filijala i podružnica po općinama koje pokrivaju na teritoriji Bosne i Hercegovine, radno vrijeme, adresu i kontakt telefon odgovorne osobe, a sve u roku od 7 /sedam/ dana od dana potpisivanja ovog Ugovora.

Član 8.

Sva nova vozila koja se eventualno nabave u vrijeme važenja ovog ugovora osiguravat će se pod istim uslovima kao i vozila iz obrasca za cijenu ponude.

IV VRIJEDNOST UGOVORA

Član 9.

Ukupna vrijednost svih predmetnih usluga iz ovog ugovora iznosi:

3.146,24 KM

(slovima: trihiljadestotinučetdesetšest i 24/100 KM).

V NAČIN I ROK PLAĆANJA

Član 10.

Plaćanje ugovorenih usluga vršit će se na osnovu ispostavljenih faktura u roku od 30 (trideset) dana od dana nastanka DPO, u jednakim mjesečnim ratama po ispostavljenoj fakturi, a auto-odgovornost u ukupnom iznosu.

VI ROK ISPLATE ŠTETE

Član 11.

Od kompletiranja dokumentacije Dobavljač će izvršiti isplatu štete u roku od 7 (sedam) dana.

VII TAJNOST UGOVORA

Član 12.

Ugovorne strane su dužne sadržaj ovog Ugovora, podatke koji budu dostavljeni Dobavljaču kao i sva druga dokumentacija koja proizilazi ili je na bilo koji način vezana za ovaj Ugovor, tretirati kao službenu tajnu i u tom smislu preuzimaju punu moralnu, materijalnu i krivičnu odgovornost.

VIII RJEŠAVANJE SPOROVA

Član 13.

Ugovorne strane su saglasne da će sva eventualna sporna pitanja riješavati sporazumno u duhu međusobnog razumjevanja i dobrih poslovnih običaja.

Član 14.

Ukoliko Ugovorne strane ne postignu sporazumno rješenje, za rješavanje spora nadležan je Sud u Sarajevu.

IX PRELAZNE I ZAVRŠNE ODREDBE

Član 15.

Ukoliko dođe do promjene premija osiguranja usljed promjene zakonskih propisa potpisati će se novi ugovor sa Dobavljačem, uz obavezu Dobavljača da o naprijed navedenim promjenama blagovremeno pismenim putem obavijesti Ugovorni organ.

Član 16.

Za sve ostalo što nije predviđeno ovim Ugovorom primjenjivat će se Zakon o obligacionim odnosima.

Član 17.

Ugovor stupa na snagu danom potpisivanja obje ugovorne strane i primjenjuje od 28.02.2020. godine do 28.02.2021. godine.

Član 18.

Ovaj Ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

Član 19.

Ugovorne strane saglasno izjavljuju da su ugovor pročitale, razumjele i da ugovorene odredbe u svemu predstavljaju izraz njihove stvarne volje.

ZA UGOVORNI ORGAN
V.D. DIREKTOR-a
Mirsad Delalić, dipl.soc.rad.



Broj: 13-03-01-MD/45-76/20
Sarajevo, 14.04.2020. godine

ZA DOBAVLJAČA
DIREKTOR PODRUŽNICE
Hrnčić Alen



Broj: 20533196
Sarajevo, 17.04.2020

